

ղելի, ըռիշտ և կարկամ կարգալի, և շրուայ-
լութիւնն պատուելի՝ ճոխ և ազատ և առատ
համբաւելի: Յայնպիսի վայրի գոլով երանելիս,
և յայնմ խորագոյն տղմոյն՝ ոչ ի վայր հա-
կէր՝ և ոչ աղտեղանայր գեղեցիկ պատմուճան
ողւոյ նորա: և ոչ պղտորէին անըմբանելի
միաք նորա: Քանզի յիշէր զնախնին՝ և պա-
հէր զազատութիւնն, որպէս պատանին գեղե-
ցիկ ի տան ներքինւոյն:

Եւ զի՞նչ գործառնութիւն նորա՝ դիւա-
նըն արքունի, մանաւանդ եթէ (Թղ. 12 ա)
գլխաւորութիւն դիւանին. զինա միայն էր
հրմուտ լատենական մատենին և արիական
տառին և փիւնիկեցւոց թըւականին:՝ Եւ
ո՞րպէս առնէր. ագահէ՞ր, գողանայր, նենկէ՞ր,
կաշառ ընդունէր, պատրէ՞ր ի կարմրութիւն
ոսկւոյն, կամ ի պայծառութիւն արծաթւոյն,
կամ ի բազմագունակ ականցն և կերպասու-
ցըն՝ մի լիցի:՝ 2 այլ կայր անարատ և անխար-
դախ, բարեխաւս և աւգնական որբոց և այրեաց,
զրկելոց և զըլացելոց, յամաւթ առնելով զայ-

1. Փիւնիկեցւոց քահանի եւ յափնակաւ մասեփ
մասին միայն սա է գրում:

2. Այս հասուածք նշանաւոր է հեղինակի ժամանա-
կակից բարձր ու վարժի նկատմամբ, որից պարզ երեւում է,
որ նորա օրով էլ արխանիսներում եւն ծառայողները
ազատ չեն եղել ներկայիս արասներից: